

標註

大鄉穆訓點
四書

讀本

孟子 三

漢書門			
六	六	三	二
類	號	函	架
冊	冊	冊	冊

內閣文庫			
三	六	八	二
七	六	八	二
函	冊	冊	架
冊	冊	冊	架

內閣文庫		
番號	漢	66
冊數	8 (7)	
函號	277	16




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





孟子三

萬章章句上

萬章問曰。舜往于田。號泣于旻天。何為其號泣也。孟子曰。怨慕也。萬章曰。父母愛之。喜而不_レ忘。父母惡之。勞而不_レ怨。然則舜怨乎。曰。長息問於公明高曰。舜往于田。則吾既得聞命矣。號泣于旻天。于父母。則吾不知也。公明高曰。是非爾所知也。夫公明高以

惡去聲

夫音扶

孟子卷八

五十一

一

愁苦八反
天平聲

胥相視也
為去聲

孝子之心為不若是。愁我竭力耕田，共為
 子職而已矣。父母之不我愛，於我何哉？帝
 使其子九男二女，百官牛羊倉廩備以事
 舜於畎畝之中。天下之士多就之者。帝將
 胥天下而遷之焉。為不順於父母，如窮人
 無所歸，天下之士悅之。人之所欲也，而不
 足以解憂。好色人之所欲，妻帝之二女，而
 不足以解憂。富人之所欲，富有天下，而不

少去聲
 好去聲
 艾美好也
 熱中躁急心
 熱也

足以解憂。貴人之所欲，貴為天子，而不足
 以解憂。人悅之，好色富貴無足以解憂者。
 惟順於父母，可以解憂。人少則慕父母，知
 好色則慕少艾，有妻子則慕妻子，仕則慕
 君，不得於君則熱中。大孝終身慕父母，五
 十而慕者，予於大舜見之矣。
 萬章問曰：詩云「娶妻如之何，必告父母」，信斯
 言也，宜莫如舜。舜之不告而娶，何也？孟子

慙直類反

妻去聲

完治也捐去

也揜蓋也謨謀

咸皆也

也張都禮反弓也棲床也

曰告則不得娶男女居室人之大倫也如
 告則廢人之大倫以慙父母是以不告也
 萬章曰舜之不告而娶則吾既得聞命矣
 帝之妻舜而不告何也曰帝亦知告焉則
 不得妻也萬章曰父母使舜完廩捐階瞽
 瞍焚廩使浚井出從而揜之象曰謨蓋都
 君咸我績牛羊父母倉廩父母干戈朕琴
 朕張朕二嫂使治朕棲象往入舜宮舜在

大平聲

校音效又音放畜許六反

牀琴象曰鬱陶思君爾忉忉舜曰惟茲臣
 庶汝其于予治不識舜不知象之將殺已
 與曰奚而不知也象憂亦憂象喜亦喜曰
 然則舜偽喜者與曰否昔者有饋生魚於
 鄭子產子產使校人畜之池校人烹之及
 命曰始舍之圉圉焉少則洋洋焉攸然而
 逝子產曰得其所哉得其所哉校人出曰
 孰謂子產智予既烹而食之曰得其所哉

得其所哉故君子可欺以其方難罔以非其道彼以愛兄之道來故誠信而喜之矣偽焉

萬章問曰象日以殺舜為事立為天子則放之何也孟子曰封之也或曰放焉萬章曰舜流共工于幽州放驩兜于崇山殺三苗于三危殛鯀于羽山四罪而天下咸服誅不仁也象至不仁封之有庠有庠之人矣

庠音鼻下同

罪焉仁人固如是乎在他人則誅之在弟則封之曰仁人之於弟也不藏怒焉不宿怨焉親愛之而已矣親之欲其貴也愛之欲其富也封之有庠富貴之也身為天子弟為匹夫可謂親愛之乎敢問或曰放者何謂也曰象不得有為於其國天子使吏治其國而納其貢稅焉故謂之放豈得暴彼民哉雖然欲常常而見之故源源而來

源源若水之相繼也

不及貢以政接于有庠此之謂也

咸丘蒙問曰語云盛德之士君不得而臣父

不得而子舜南面而立堯帥諸侯北面而

朝之瞽瞍亦北面而朝之舜見瞽瞍其容

有蹙孔子曰於斯時也天下殆哉岌岌乎

不識此語誠然乎哉孟子曰否此非君子

之言齊東野人之語也堯老而舜攝也堯

典曰二十有八載放勳乃徂落百姓如喪

朝音潮

感揮感不安
也岌岌及反
岌岌不安貌

遇止也

考妣三年四海遇密八音孔子曰天無二

日民無二王舜既為天子矣又帥天下諸

侯以為堯三年喪是二天子矣咸丘蒙曰

舜之不臣堯則吾既得聞命矣詩云普天

之下莫非王土率土之濱莫非王臣而舜

既為天子矣敢問瞽瞍之非臣如何曰是

詩也非是之謂也勞於王事而不得養父

母也曰此莫非王事我獨賢勞也故說詩

逆迎也

養去聲下同

祇敬也見音現夔夔齊栗敬謹恐懼之貌允信也若

者不以文害辭不以辭害志以意逆志是為得之如以辭而已矣雲漢之詩曰周餘黎民靡有孑遺信斯言也是周無遺民也孝子之至莫大乎尊親尊親之至莫大乎以天下養為天子父尊之至也以天下養之至也詩曰永言孝思孝思維則此之謂也書曰祇載見矜矧夔齊栗矜矧亦允若是為父不得而子也

順也

諄之淳及諄諄諄語之貌行去聲下同

萬章曰堯以天下與舜有諸孟子曰否天子不能以天下與人然則舜有天下也孰與之曰天與之天與之者諄諄然命之乎曰否天不言以行與事示之而已矣曰以行與事示之者如之何曰天子能薦人於天不能使天與之天下諸侯能薦人於天子不能使天子與之諸侯大夫能薦人於諸侯不能使諸侯與之大夫昔者堯薦舜於

暴步十及顯也下同

治去聲

相去聲

天而天受之暴之於民而民受之故曰天不言以行與事示之而已矣曰敢問薦之於天而天受之暴之於民而民受之如何曰使之主祭而百神享之是天受之使之主事而事治百姓安之是民受之也天與人與之故曰天子不能以天下與人舜相堯二十有八載非人之所能為也天也堯崩三年之喪畢舜避堯之子於南河之

朝音潮

夫音扶

篡奪也自從也

南天下諸侯朝覲者不之堯之子而之舜訟獄者不之堯之子而之舜謳歌者不謳歌堯之子而謳舜故曰天也夫然後之中國踐天子位焉而居堯之宮逼堯之子是篡也非天與也太誓曰天視自我民視天聽自我民聽此之謂也萬章問曰人有言至於禹而德衰不傳於賢而傳於子有諸孟子曰否不然也天與賢

朝音潮

之相之相並
去聲

則與賢天與子則與子昔者舜薦禹於天
十有七年舜崩三年之喪畢禹避舜之子
於陽城天下之民從之若堯崩之後不從
堯之子而從舜也禹薦益於天七年禹崩
三年之喪畢益避禹之子於箕山之陰朝
覲訟獄者不之益而之啟曰吾君之子也
謳歌者不謳歌益而謳歌啟曰吾君之子
也丹朱之不肖舜之子亦不肖舜之相堯

相去之相如
字

禹之相舜也歷年多施澤於民久啟賢能
敬承繼禹之道益之相禹也歷年少施澤
於民未久舜禹益相去久遠其子之賢不
肖皆天也非人之所能為也莫之為而為
者天也莫之致而至者命也匹夫而有天
下者德必若舜禹而又有天子薦之者故
仲尼不有天下繼世而有天下天之所廢
必若桀紂者也故益伊尹周公不有天下

相王皆去聲

顛覆壞亂也

典刑常法也

艾音久治也

禪音擅

要求也下同

伊尹相湯以王於天下。湯崩太丁未立外

丙二年仲壬四年太甲顛覆湯之典刑伊

尹放之於桐三年太甲悔過自怨自艾於

桐處仁遷義三年以聽伊尹之訓已也復

歸于亳周公之不有天下猶益之於夏伊

尹之於殷也孔子曰唐虞禪夏后殷周繼

其義一也

萬章問曰人有言伊尹以割烹要湯有諸孟

樂音洛

鷺五高反又戶驕反

幡然變動之貌

子曰否不然伊尹耕於有莘之野而樂堯

舜之道焉非其義也非其道也祿之以天

下弗顧也繫馬千駟弗視也非其義也非

其道也一介不以與人一介不以取諸人

湯使人以幣聘之鷺鷺然曰我何以湯之

聘幣為哉我豈若處畎畝之中由是以樂

堯舜之道哉湯三使往聘之既而幡然改

曰與我處畎畝之中由是以樂堯舜之道

推吐回反內
音納
說音稅

吾豈若使是君為堯舜之君哉吾豈若使
是民為堯舜之民哉吾豈若於吾身親見
之哉天之生此民也使先知覺後知使先
覺覺後覺也予天民之先覺者也予將以
斯道覺斯民也非予覺之而誰也思天下
之民匹夫匹婦有不被堯舜之澤者若已
推而內之溝中其自任以天下之重如此
故就湯而說之以伐夏救民吾未聞枉已

行去聲

造載皆始也

癰於容反疽
土余反
好去聲

癰如字又音
癰

而正人者也况辱已以正天下者乎聖人
之行不同也或遠或近或去或不去歸潔
其身而已矣吾聞其以堯舜之道要湯未
聞以割烹也伊訓曰天誅造攻自牧宮朕
載自亳
萬章問曰或謂孔子於衛主癰疽於齊主侍
人瘠環有諸乎孟子曰否不然也好事者
為之也於衛主顏雝由彌子之妻與子路

要平聲

之妻兄弟也。彌子謂子路曰：孔子主我衛，卿可得也。子路以告孔子曰：有命。孔子進以禮退，以義得之，不得曰有命。而主癰疽與侍人瘠環，是無義無命也。孔子不悅於魯，衛遭宋桓司馬將要而殺之，微服而過。宋是時孔子當阬，主司城貞子為陳侯周臣，吾聞觀近臣以其所為主，觀遠臣以其所主。若孔子主癰疽與侍人瘠環，何以為

孔子

萬章問曰：或曰百里奚自鬻於秦，養牲者五羊之皮，食牛以要秦穆公，信乎？孟子曰：否，不然。好事者為之也。百里奚，虞人也。晉人以垂棘之璧與屈產之乘，假道於虞以伐虢。宮之奇諫百里奚不諫，知虞公之不可諫而去之。秦年已七十矣，曾不知以食牛于秦。穆公之為汙也，可謂智乎？不可諫而

鬻自賣身也

食音嗣

好去聲下同

屈求勿反乘去聲

于求也

相去聲

不諫可謂不智乎。知虞公之將亡而先去之不可謂不智也。時舉於秦知穆公之可與有行也而相之可謂不智乎。相秦而顯其君於天下可傳於後世不賢而能之乎。自鬻以成其君鄉黨自好者不為而謂賢者為之乎。

萬章章句下

孟子曰伯夷目不視惡色耳不聽惡聲非其

治去聲下同
橫去聲

朝音潮

君不事非其民不使治則進亂則退橫政之所出橫民之所止不忍居也。思與鄉人處如以朝衣朝冠坐於塗炭也。當紂之時居北海之濱以待天下之清也。故聞伯夷之風者頑夫廉懦夫有立志。伊尹曰何事非君何使非民治亦進亂亦進曰天之生斯民也使先知覺後知使先覺覺後覺予天民之先覺者也。予將以此道覺此民也。

與音預

澆洗也
厚也
辭狹陋也敦
接猶承也漸
光歷又漬米

思天下之民匹夫匹婦有不與被堯舜之
澤者若已推而內之溝中其自任以天下
之重也柳下惠不羞汙君不辭小官進不
隱賢必以其道遭佚而不怨阨窮而不憫
與鄉人處由由然不忍去也爾為爾我為
我雖祖褐裸裎於我側爾焉能浼我哉故
聞柳下惠之風者鄙夫寬薄夫敦孔子之
去齊接淅而行去魯曰遲遲吾行也去父

聲宜也
振收也

母國之道也可以速而速可以久而久可
以處而處可以仕而仕孔子也孟子曰伯
夷聖之清者也伊尹聖之任者也柳下惠
聖之和者也孔子聖之時者也孔子之謂
集大成集大成也者金聲而玉振之也金
聲也者始條理也玉振之也者終條理也
始條理者智之事也終條理者聖之事也
智譬則巧也聖譬則力也由射於百步之

中ハ去聲

鉤ハ魚綺反

惡ハ去聲

去ハ上聲

外也。其至爾力也。其中非爾力也。

北宮錡問曰：周室班爵祿也。如之何？孟子曰：

其詳不可得聞也。諸侯惡其害已也，而皆

去其籍，然而軻也。嘗聞其略也。天子一位，

公一位，侯一位，伯一位，子男同，一位。凡五

等也。君一位，卿一位，大夫一位，上士一位，

中士一位，下士一位。凡六等。天子之制地

方千里，公侯皆方百里，伯七十里，子男五

視ハ比也

十里。凡四等。不能五千里，不達於天子。附

於諸侯曰：附庸。天子之卿受地視侯，大夫

受地視伯，元士受地視子男。大國地方百

里，君十卿祿，卿祿四大夫，大夫倍上士，上

士倍中士，中士倍下士，下士與庶人在官

者同祿。祿足以代其耕也。次國地方七十

里，君十卿祿，卿祿三大夫，大夫倍上士，上

士倍中士，中士倍下士，下士與庶人在官

食音嗣

者同祿祿足以代其耕也小國地方五十里君十卿祿卿祿二大夫大夫倍士士上士倍中士中士倍下士下士與庶人在官者同祿祿足以代其耕也耕者之所獲一夫百畝百畝之糞上農夫食九人上次食八人中食七人中次食六人下食五人庶人在官者其祿以是為差

萬章問曰敢問友孟子曰不挾長不挾貴不

乘去聲下同

費音秘 般音班

挾兄弟而友友也者友其德也不可以有挾也孟獻子百乘之家也有友五人焉樂正裘牧仲其三人則予忘之矣獻子之與此五人者友也無獻子之家者也此五人者亦有獻子之家則不與之友矣非惟百乘之家為然也雖小國之君亦有之費惠公曰吾於子思則師之矣吾於顏般則友之矣王順長息則事我者也非惟小國之

禮記卷之八

嗣食之食音

平公王公下
諸本多無之
字疑闕文也
尚上也館舍
也

君為然也。雖大國之君亦有之。晉平公之於亥唐也。入云則入坐云則坐食云則食。雖疏食菜羹未嘗不飽。蓋不敢不飽也。然終於此而已矣。弗與共天位也。弗與治天職也。弗與食天祿也。士之尊賢者也。非王公之尊賢也。舜尚見帝。帝館甥于貳室。亦饗舜。迭為賓主。是天子而友匹夫也。用下敬上謂之貴。費用上敬下謂之尊。賢貴貴。

尊賢其義一也

交際相交接也
卻還之也

萬章問曰。敢問交際何心也。孟子曰。恭也。曰。卻之卻之為不恭何哉。曰。尊者賜之曰其所取者義乎不義乎。而後受之。以是為不恭。故弗卻也。曰。請無以辭卻之。以心卻之。曰。其取諸民之不義也。而以他辭無受不可乎。曰。其交也以道。其接也以禮。斯孔子受之矣。萬章曰。今有禦人於國門之外者。

禦止也

四書讀本

孟子三

六

與平聲

讒書作怒徒對反

比去聲連也

夫音扶

其交也以道其餽也以禮斯可受禦與曰
 不可康誥曰殺越人于貨閱不畏死凡民
 罔不讒是不待教而誅者也殷受夏周受
 殷所不辭也於今為烈如之何其受之曰
 今之諸侯取之於民也猶禦也苟善其禮
 際矣斯君子受之敢問何說也曰子以為
 有王者作將比今之諸侯而誅之乎其敢
 之不改而後誅之乎夫謂非其有而取之

較音角

與平聲

淹留也

者盜也充類至義之盡也孔子之仕於魯
 也魯人獵較孔子亦獵較獵較猶可而况
 受其賜乎曰然則孔子之仕也非事道與
 曰事道也事道奚獵較也曰孔子先簿正
 祭器不以四方之食供簿正曰奚不去也
 曰為之兆也兆足以行矣而不行而後去
 是以未嘗有所終三年淹也孔子有見行
 可之仕有際可之仕有公養之仕於季桓

四書言

為去聲下同

養去聲下同

惡平聲

樛音託委鳥
偽及會工外
反當都浪反
乘去聲茁阻
刮反肥貌長
上聲朝音潮

子見行可之仕也於衛靈公際可之仕也
於衛孝公公養之仕也

孟子曰仕非為貧也而有時乎為貧娶妻非
為養也而有時乎為養為貧者辭尊居卑
辭富居貧辭尊居卑辭富居貧惡乎宜乎
抱關擊柝孔子嘗為委吏矣曰會計當而
已矣嘗為乘田矣曰牛羊茁壯長而已矣
位卑而言高罪也立乎人之本朝而道不

行恥也

萬章曰士之不託諸侯何也孟子曰不敢也
諸侯失國而後託於諸侯禮也士之託於
諸侯非禮也萬章曰君餽之粟則受之乎
曰受之受之何義也曰君之於氓也固周
之曰周之則受賜之則不受何也曰不敢
也曰敢問其不敢何也曰抱關擊柝者皆
有常職以食於上無常職而賜於上者以

周救也

四書讀本

孟子三

十六

亟去聲數也

下同

卒未也標音

杓麾也使去

聲

為不恭也。曰君餽之則受之不識可常繼乎。曰繆公之於子思也亟問亟餽鼎肉子思不悅於卒也標使者出諸大門之外北面稽首再拜而不受曰今而後知君之犬馬畜伋蓋自是臺無餽也悅賢不能舉又不能養也可謂悅賢乎曰敢問國君欲養君子如何斯可謂養矣曰以君命將之再拜稽首而受其後廩人繼粟庖人繼肉不

僕僕煩猥貌

下女字去聲

以君命將之子思以為鼎肉使已僕僕爾亟拜也非養君子之道也堯之於舜也使其子九男事之二女女焉百官牛羊倉廩備以養舜於畎畝之中後舉而加諸上位故曰王公之尊賢者也

萬章曰敢問不見諸侯何義也孟子曰在國曰市井之臣在野曰艸莽之臣皆謂庶人庶人不傳質為臣不敢見於諸侯禮也萬

質與贊同

爲去聲下同

亟乘皆去聲

章曰庶人召之役則往役君欲見之召之則不往見之何也曰往役義也往見不義也且君之欲見之也何爲也哉曰爲其多聞也爲其賢也曰爲其多聞也則天子不召師而况諸侯乎爲其賢也則吾未聞欲見賢而召之也繆公亟見於子思曰古千乘之國以友士如何子思不悅曰古之人有言曰事之云乎豈曰友之云乎子思之

與平聲

喪息浪反

不悅也豈不曰以位則子君也我臣也何敢與君友也以德則子事我者也奚可以與我友千乘之君求與之友而不可得也而况可召與齊景公田招虞人以旌不至將殺之志士不忘在溝壑勇士不忘喪其元孔子奚取焉取非其招不往也曰敢問招虞人何以曰以皮冠庶人以旃士以旂大夫以旌以大夫之招招虞人虞人死不

夫音扶

底詩作砥之履反

與平聲

敢往以士之招招庶人庶人豈敢往哉况乎以不賢人之招招賢人乎欲見賢人而不以其道猶欲其入而閉之門也夫義路也禮門也惟君子能由是路出入是門也詩云周道如底其直如矢君子所履小人所視萬章曰孔子君命召不俟駕而行然則孔子非與曰孔子當仕有官職而以其官召之也

尚上同

孟子謂萬章曰一鄉之善士斯友一國之善士一國之善士斯友一國之善士天下之善士斯友天下之善士以友天下之善士為未足又尚論古之人頌其詩讀其書不知其人可乎是以論其世也是尚友也齊宣王問卿孟子曰王何卿之問也王曰卿不同乎曰不同有貴戚之卿有異姓之卿王曰請問貴戚之卿曰君有大過則諫反

勃然變色貌

四書章句

覆之而不聽則易位王勃然變乎色曰王
勿異也王問臣臣不敢不以正對王色定
然後請問異姓之卿曰君有過則諫反覆
之而不聽則去

告子章句上

告子曰性猶杞柳也義猶柷棬也以人性為
仁義猶以杞柳為柷棬孟子曰子能順杞
柳之姓而以為柷棬乎將戕賊杞柳而後

柷音杯棬音丘
圓反

戕音牆

與平聲

夫音扶

湍他端反

以為柷棬也如將戕賊杞柳而以為柷棬
則亦將戕賊人以為仁義與率天下之人
而禍仁義者必子之言夫
告子曰性猶湍水也決諸東方則東流決諸
西方則西流人性之無分於善不善也猶
水之無分於東西也孟子曰水信無分於
東西無分於上下乎人性之善也猶水之
就下也人無有不善水無有不下今夫水

夫音扶

四書章句

孟子

三

搏補各反擊也躍跳也顛顛也

與平聲下同

搏而躍之可使過顛激而行之可使在山
是豈水之性哉其勢則然也人之可使為
不善其性亦猶是也

告子曰生之謂性孟子曰生之謂性也猶白
之謂白與曰然白羽之白也猶白雪之白
白雪之白猶白玉之白與曰然然則犬之
性猶牛之性牛之性猶人之性與
告子曰食色性也仁內也非外也義外也非

長上聲下同

與平聲下同

內也孟子曰何以謂仁內義外也曰彼長
而我長之非有長於我也猶彼白而我白
之從其白於外也故謂之外也曰異於白
馬之白也無以異於白人之白也不識長
馬之長也無以異於長人之長與且謂長
者義乎長之者義乎曰吾弟則愛之秦人
之弟則不愛也是以我為悅者也故謂之
內長楚人之長亦長吾之長是以長為悅

者與皆同

夫音扶

長上聲

者也故謂之外也曰耆秦人之炙無以異
於耆吾炙夫物則亦有然者也然則耆炙
亦有外與

孟子問公都子曰何以謂義內也曰行吾
敬故謂之內也鄉人長於伯兄一歲則誰
敬曰敬兄酌則誰先曰先酌鄉人所敬在
此所長在彼果在外非由內也公都子不
能答以告孟子孟子曰敬叔父乎敬弟乎

惡平聲
庸常也

彼將曰敬叔父曰弟為尸則誰敬彼將曰
敬弟子曰惡在其敬叔父也彼將曰在位
故也子亦曰在位故也庸敬在兄斯須之
敬在鄉人季子聞之曰敬叔父則敬敬弟
則敬果在外非由內也公都子曰冬日則
飲湯夏日則飲水然則飲食亦在外也
公都子曰告子曰性無善無不善也或曰性
可以為善可以為不善是故文武興則民

好去聲

與平聲

夫音扶

惡去聲

好善幽厲興則民好暴或曰有性善有性不善是故以堯為君而有象以瞽瞍為父而有舜以紂為兄之子且以為君而有微子啓王子比干今日性善然則彼皆非與孟子曰乃若其情則可以為善矣乃所謂善也若夫為不善非才之罪也惻隱之心人皆有之羞惡之心人皆有之恭敬之心人皆有之是非之心人皆有之惻隱之心

鑠式灼反

舍上聲

徒音師算數也

好去聲物事也則法也

仁也羞惡之心義也恭敬之心禮也是非之心智也仁義禮智非由外鑠我也我固有之也弗思耳矣故曰求則得之舍則失之或相倍徒而無算者不能盡其才者也詩曰天生蒸民有物有則民之秉夷好是懿德孔子曰為此詩者其知道乎故有物必有則民之秉夷也故好是懿德孟子曰富歲子弟多賴凶歲子弟多暴非天

夫首扶聲音
卒稷音憂

磽苦交反

之降才爾殊也其所以陷溺其心者然也
今夫麩麥播種而耰之其地同樹之時又
同淳然而生至於日至之時皆熟矣雖有
不同則地有肥磽雨露之養人事之不齊
也故凡同類者舉相似也何獨至於人而
疑之聖人與我同類者故龍子曰不知足
而為屨我知其不為蕘也屨之相似天下
之足同也口之於味有同耆也易牙先得

姣古卯反好
也

我口之所耆者也如使口之於味也其性
與人殊若犬馬之與我不同類也則天下
何耆皆從易牙之於味也至於味天下期
於易牙是天下之口相似也惟耳亦然至
於聲天下期於師曠是天下之耳相似也
惟目亦然至於子都天下莫不知其姣也
不知子都之姣者無目者也故曰口之於
味也有同耆焉耳之於聲也有同聽焉目

然猶可也

草食曰穀穀食曰豢

萌芽也藥五割及芽之旁出者也濯濯光潔貌

之於色也。有同美焉。至於心獨無所同然乎。心之所同然者何也。謂理也。義也。聖人先得我心之所同然耳。故理義之悅我心猶芻豢之悅我口。

孟子曰。牛山之木嘗美矣。以其郊於大國也。斧斤伐之。可以為美乎。是其日夜之所息。雨露之所潤。非無萌蘖之生焉。牛羊又從而牧之。是以若彼濯濯也。人見其濯濯也。

好惡並去聲幾希不多也橫工毒反及覆展轉也

以為未嘗有材焉。此豈山之性也哉。雖存乎人者。豈無仁義之心哉。其所以放其良心者。亦猶斧斤之於木也。旦旦而伐之。可以為美乎。其日夜之所息。平旦之氣。其好惡與人相近也者。幾希。則其旦晝之所為。有梏亡之矣。梏之反覆。則其夜氣不足以存。夜氣不足以存。則其違禽獸不遠矣。人見其禽獸也。而以為未嘗有才焉者。是豈

長上聲

舍音捨

與平聲

或與惑同疑
惟也易去聲

暴步卜反
之也

見音現
夫音扶奕圍
棋也

人之情也哉。故苟得其養，無物不長。苟失其養，無物不消。孔子曰：操則存，舍則亡。出入無時，莫知其鄉。惟心之謂與。
 孟子曰：無或乎？王之不智也。雖有天下易生之物也，一日暴之，十日寒之，未有能生者也。吾見亦罕矣。吾退而寒之者至矣。吾如有萌焉，何哉？今夫弈之為數，小數也不專，心致志則不得也。弈秋通國之善弈者也。

繳音灼以繩繫失而射也
 射食亦反為是之為去聲
 若與之與平聲
 舍上聲

使弈秋誨二人，弈其一，人專心致志，惟弈秋之為聽。一人雖聽之，一心以為有鴻鵠將至，思援弓繳而射之，雖與之俱學，弗若之矣。為是其智弗若與？曰：非然也。
 孟子曰：魚我所欲也，熊掌亦我所欲也。二者不可得兼，舍魚而取熊掌者也。生亦我所欲也，義亦我所欲也。二者不可得兼，舍生而取義者也。生亦我所欲，所欲有甚於生

惡辟皆去聲
下同

喪去聲食音
嗣

者故不為苟得也。死亦我所惡，所惡有甚於死者，故患有所不辟也。如使人之所欲莫甚於生，則凡可以得生者，何不用也？使人之所惡莫甚於死，則凡可以辟患者，何不為也？由是則生而有不用也，由是則可以辟患而有不為也。是故所欲有甚於生者，所惡有甚於死者，非獨賢者有是心也。人皆有之，賢者能勿喪耳。一簞食，一豆

噉呼故反
啐之貌

蹠子六反
踐也

為去聲

與平聲
鄉為並去聲
為之為並如字

羹得之則生，弗得則死。噉爾而與之，行道之人弗受；蹴爾而與之，乞人不屑也。萬鍾則不辨禮義而受之，萬鍾於我何加焉？為宮室之美，妻妾之奉，所識窮乏者得我，與鄉為身死而不受，今為宮室之美，為之鄉為身死而不受，今為妻妾之奉，為之鄉為身死而不受，今為所識窮乏者得我，而為之，是亦不可以已乎？此之謂失其本心。

舍上聲

信與伸同

爲去聲
惡去聲

孟子曰。仁人心也。義人路也。舍其路而弗由。放其心而不知求。哀哉。人有雞犬放。則知求之。有放心而不知求。學問之道無他。求其放心而已矣。

孟子曰。今有無名之指。屈而不信。非疼痛害事也。如有能信之者。則不遠秦楚之路。爲指之不若人也。指不若人。則知惡之心。不若人。則不知惡此之謂不知類也。

拱。兩手所圍也。把。一手所握也。桐梓。二木名。

孟子曰。拱把之桐梓。人苟欲生之。皆知所以養之者。至於身而不知所以養之者。豈愛身不若桐梓哉。弗思甚也。

孟子曰。人之於身也。兼所愛。兼所愛則兼所養也。無尺寸之膚不愛焉。則無尺寸之膚不養也。所以考其善不善者。豈有他哉。於已取之而已矣。體有貴賤。有小大。無以小害大。無以賤害貴。養其小者爲小人。養其

舍上聲擯音賈音械音貳

為去聲聲

均同也

大者為大人。今有場師，舍其楛櫝，養其棘，則為賤場師焉。養其一指而失其肩背，而不知也，則為狼疾人也。飲食之人，則人賤之矣。為其養小以失大也。飲食之人，無有失也，則口腹豈適為尺寸之膚哉。

公都子問曰：鈞是人也，或為大人，或為小人，何也？孟子曰：從其大體為大人，從其小體為小人。曰：鈞是人也，或從其大體，或從其

小體，何也？曰：耳目之官，不思而蔽於物，物交物，則引之而已矣。心之官，則思，思則得之，不思則不得也。此天之所與我者，先立乎其大者，則其小者不能奪也。此為大人而已矣。

孟子曰：有天爵者，有人爵者。仁義忠信樂善，不倦，此天爵也。公卿大夫，此人爵也。古之人脩其天爵，而人爵從之。今之人脩其天

樂音洛

要音邀求也

爵以要人爵既得人爵而棄其天爵則惑之甚者也終亦必亡而已矣

膏肥肉梁美
救
聞去聲

孟子曰欲貴者人之同心也人人有貴於己者弗思耳人之所貴者非良貴也趙孟之所貴趙孟能賤之詩云既醉以酒既飽以德言飽乎仁義也所以不願人之膏梁之味也令聞廣譽施於身所以不願人之文繡也

與猶助也

孟子曰仁之勝不仁也猶水勝火今之爲仁者猶以一杯水救一車薪之火也不熄則謂之水不勝火此又與於不仁之甚者也亦終必亡而已矣

蕘音蹄稗蒲
賣反夫音扶
穀古侯反弓
滿也

孟子曰五穀者種之美者也苟爲不熟不如蕘稗夫仁亦在乎熟之而已矣
孟子曰羿之教人射必志於穀學者亦必志於穀太匠誨人必以規矩學者亦必以規

矩

矩者大則補人必以矩也事者亦必以

孟子曰事之與人俱必法然若事者亦必志

事矣特夫亦亦於中然之而曰矣

孟子曰五穀者養生之美者也詩云不稂不莠

亦稂也而曰矣

孟子曰不稂不莠及取不稂不莠之類也

昔者以三稜求其意也而曰不稂不莠

孟子曰三稜之類不也也水稂也火之類也

與亦
與亦
與亦
與亦
與亦

與亦

